



Expediente IET: P-19-643
Proxecto: Parque eólico Meirama
Concello: Cerceda, Carral e Ordes (A Coruña)
Promotor: Naturgy Renovables, SLU

INFORME DE IMPACTO E INTEGRACIÓN PAISAXÍSTICA

De acordo co artigo 37.1 da Lei 21/2013, do 9 de decembro, de avaliación ambiental, e co artigo 11.3 da Lei 7/2008, do 7 de xullo, de protección da paisaxe de Galicia, con data do 19/07/2021 a Dirección Xeral de Calidade Ambiental e Cambio Climático somete a informe do Instituto de Estudos do Territorio (IET) a documentación do proxecto de Parque eólico Meirama

1. Antecedentes:

Con data do 13/12/2019 o Instituto de Estudos do Territorio emitiu un informe sobre este proxecto, no marco do procedemento de avaliación de impacto ambiental ordinaria. Nese informe determinábase que o maior impacto sería o producido pola proximidade dos aeroxeradores aos núcleos rurais, sen afectar directamente a figuras establecidas no Catálogo das paisaxes. Da mesma maneira, indicábase cal era o contido do EIIP en atención á Lei 7/2008 e se especificaban unha serie de determinacións e recomendacións referidas ás infraestruturas do parque.

2. Marco legal:

Consonte co artigo 15 da Lei 1/2021, do 8 de xaneiro, de ordenación do territorio de Galicia, e co artigo 28 do Decreto 244/2011, do 29 de decembro (modificado polo Decreto 42/2019, do 28 de marzo), o Instituto de Estudos do Territorio (IET) é o órgano competente para emitir este informe en materia de paisaxe, de acordo co que para tal efecto establecen os artigos 32 e 33 do Regulamento para o desenvolvemento da Lei 7/2008, do 7 de xullo, de protección da paisaxe de Galicia (Decreto 96/2020, do 29 de maio).

En desenvolvemento da Lei 7/2008 aprobáronse o Catálogo das paisaxes de Galicia (Decreto 119/2016, do 28 de xullo) e as Directrices da paisaxe de Galicia (Decreto 238/2020, do 29 de decembro).

De acordo co artigo 11.1 da Lei 7/2008, todos os proxectos que deban someterse a declaración de impacto ambiental deberán incorporar no estudo de impacto ambiental un estudo de impacto e integración paisaxística (EIIP), como documento específico no que se avaliarán os efectos e impactos que o proxecto poida provocar na paisaxe e as medidas de integración paisaxística propostas. O contido do EIIP debe axustarse ao disposto no artigo 11.2 da Lei 7/2008 e nos artigos 26 e seguintes do Regulamento da Lei 7/2008.



3. Descrición do proxecto e contido do estudo de impacto ambiental:

O proxecto consiste na construción do parque eólico Meirama, de 49,50 MW, composto por 13 aeroxeradores (inicialmente 15) e a súa infraestrutura asociada (camiños de acceso e servizo, plataformas de montaxe, gabias para a rede eléctrica e de comunicacións, e unha torre meteorolóxica). Os aeroxeradores terán 3,8 MW de potencia nominal, unha altura de buxa de 131 metros, e 138 metros de diámetro de rotor. A torre anemométrica acadará unha altura duns 131 metros. Parte dos camiños de acceso e servizo reutilizan os existentes.

O estudo de impacto ambiental (EslA) inclúe un EIIP como documento anexo, no que se fai unha diagnose do estado actual da paisaxe tomando como referencia o contido do Catálogo das paisaxes de Galicia, analízase a calidade e a fragilidade visual, descríbense as características básicas do proxecto, calcúlanse as cuncas visuais dos aeroxeradores nun radio de 5 km, elementos do patrimonio cultural ou rutas de sendeirismo. Complétase este estudo cunha serie de infografías que simulan a visibilidade dos aeroxeradores dende diferentes localizacións. Por último, identifícanse e valóranse os impactos, descríbense as medidas de integración paisaxística propostas para minimizalos e xustifícase o cumprimento dos obxectivos de calidade paisaxística e as directrices de paisaxe.

A maiores o EslA inclúe un anexo específico (anexo 11) no que se estudan os efectos sinérxicos dende diferentes variables, sendo unha delas a paisaxe. Este estudo considera un radio de 20 Km e os aeroxeradores existentes e en tramitación, obviando os parques de nova solicitude.

4. Características da paisaxe afectada polo proxecto:

De acordo co Catálogo das paisaxes de Galicia, aprobado polo Decreto 119/2016, del 28 de xullo, (DOG do 25/08/2016), o lugar no que se proxecta a actuación localízase na grande área paisaxística Galicia Central, na comarca paisaxística Terra de Ordes.

As infraestruturas do parque non se atopan dentro de ningunha área de especial interese paisaxístico (AEIP) do Catálogo, situándose a AEIP-10-09 Monte do Xalo a uns 3,6 km ao norte do aeroxerador ME-10 e a AEIP-09-09 Ribeira da Pena, a uns 10 km ao oeste do ME-9. O miradoiro máis próximo é o denominado Miradoiro sobre a Mina en Meirama situado a uns 900 metros ao norte do aeroxerador ME-10. Respecto aos sendeiros e camiños cabe indicar que a uns 1,5 km do perímetro oeste do parque discorre o PR-G 131 Cerceda-Portobrea e ao leste do parque a uns 4,5 km, en dirección norte-sur, localízase o Camiño de Santiago (Camiño Inglés). Ao pé do monte formado pola entulleira, no seu límite sur, a uns 400 metros dos aeroxeradores sitúase o Encoro de Vilasenín, sinalado durante o proceso de participación pública do Catálogo como un lugar de especial interese paisaxístico. Segundo o Catálogo das paisaxes, as infraestruturas do proxecto encádranse nunha zona de visibilidade baixa e media con estreitas áreas do territorio de visibilidade alta.

O proxecto localízase na contorna das instalacións ligadas á explotación mineira e á central térmica de Meirama, así coma ao complexo medioambiental de SOGAMA. Trátase dunha área moi antropizada pola actividade industrial, conformada por áreas sometidas a procesos de restauración como as entulleiras, onde se desenvolven zonas de prados e cultivos con extensións de matogueiras e masas de especies arbóreas como eucaliptos, piñeiros e caducifolias autóctonas, ou a propia mina a ceo aberto, actualmente convertido en lago artificial. Os núcleos urbanos de Cerceda e Mesón do Vento, atópanse a uns 2,5 km ao oeste e leste, respectivamente, dos aeroxeradores máis próximos. Ademais, aparecen distintos núcleos de poboación bordeando o complexo industrial, como son os de Morzós, Virís, Vilasenín, A Espiñeira, Porta do Nó, A Brea ou A Cabra. Entre as infraestruturas de comunicacións destacan as estradas AC-523, que atravesa o parque de leste a oeste, a N-550 ao leste, e a AC-400 ao oeste. As vías do ferrocarril rodean o parque polo oeste.





5. Análise do EIIP, dos efectos do proxecto sobre a paisaxe e das medidas de integración paisaxística:

O EIIP é completo, axústase ao Regulamento da Lei 7/2008, e atende as consideracións do anterior informe do IET. As medidas de integración paisaxística poden considerarse suficientes.

O proxecto provocará un impacto visual vinculado á presenza dos aeroxeradores, distribuídos sobre zonas elevadas do perímetro das instalacións da central térmica; outros impactos paisaxísticos produciranse en relación as labores de apertura de camiños e as obras de instalación dos aeroxeradores que afectarán á cobertura natural. Con todo, o parque sitúase sobre un espazo de marcado carácter industrial, en terreos alterados polas actividades extractivas e enerxéticas e ocupados actualmente por matogueiras ou especies forestais de repoboación, todo o cal enténdese como un factor mitigador dos impactos.

Cabe destacar, porén, os posibles efectos sinérxicos que poderían producirse no caso de que se executasen todos os parques previstos nesta contorna (de acordo coa información recollida no Rexistro Eólico de Galicia).

6. Conclusión:

O proxecto incorpora un EIIP, cuxo contido se axusta ao disposto no artigo 11.2 da Lei 7/2008, do 7 de xullo, de protección da paisaxe de Galicia, e nos artigos 26 e seguintes do Regulamento da Lei 7/2008.

En todo caso, de acordo co artigo 30.3 do Regulamento da Lei 7/2008, as medidas de integración paisaxística deberán quedar oportunamente recollidas no proxecto.

O xefe do Servizo de Planificación da Paisaxe
José Luís Álvarez Vicente

O director do Departamento Técnico de Estudos
José Antonio Serantes Barbeito

(Documento asinado electronicamente)

